





皇朝國史諸書勒琬琰揭日
月固將與五三載籍相為無

窮均衡茅下士蓋嘗拜手稽
首歛衽肅容竊觀

皇網

帝範巨麗之萬一邈若曾霄



茫乎漲海有非蠡管所能窺
測况以均之次具稟魯鈍不能
強志輯成此書深以詮次失
倫而有所乖刺是懼私質諸
友朋或有謂均者曰子志良
苦力良勞其如犯三不韙何
以私家而裒

國史以備見而折衷諸書則
僭冊書重大未易編摩而
以數十萬言該之則踈諸書
雜出寧免抵牾去取之間一
或失當則舛均敬應之曰

國朝信史與夫名公鉅儒所纂諸書並行於世家傳人誦今所輯者特欲便繙繹備遺志固非敢求與之並行而偕傳也奚其僭倚撫所及博參諸書文雖少損於舊事則不增於前諸書固自若也雖無此書誰無此書奚其踈若夫舛誠有之無所逃罪抑今所記或原其始或要其終或以附見或以類從舉宏撮要主於事實而不敢必以日月為

斷亦信其可信闕其可疑云
爾如欲質其疑求其詳則有
太史氏及諸書在既以對或
人因併書于下方前太學生
莆田陳均拜手稽首謹識

莆田陳君均以其所輯

皇朝編年舉要與備要之書

合若干卷踵門而告曰均之

幼也侍從祖丞相正獻公

獲觀國朝史錄諸書及

眉山李氏續通鑑長編意酷

者之獨患篇帙之繁未易識
其本末則欲刪煩撮要為一
書以便省閱時方從事舉子
業未之能也晚滯場屋決意
退藏林壑間又以出入當世
名流之門得盡見先儒所纂
次若司馬文正公之稽古錄侍
郎徐公度之國紀以及九朝
通略等書王慮十數家博攷
而互訂之於是輯成此編大
綱本李氏而其異同詳畧之
際則或參以它書昔嘗讀朱

文公通鑑綱目歎其義例之
精密蓋所謂綱者春秋書事
之法也而所謂目者左氏備
言之體也自司馬公目錄舉
要之作至是始集大成觀者
之復遺憾均竊不自揆輒放
而依之然文公所述前代之史
故其書法或寓褒貶於其間
均今所書則惟據事實錄而
已不敢盡同文公之法也願一
言以述之何如德秀讀其書彌
月始盡卷則喟然曰美哉書乎

聖祖神孫之功德元臣故老
之事業赫二乎鍠二乎備於此
矣然綜其要而求之則自藝祖
以來凡所以祈天永命垂萬世
無疆之休者大抵弗越數端蓋
其以仁立國而不雜五伯權利之
謀以儒立教而不溷百家邪說
之說求治寧悠緩而不為一朝
迫切之計用人寧樸鈍而不取
小夫輕銳之才嘉祐治平以前
廊廟之訏謨縉紳之論建相與
葆衛扶植如恐失之此其所以大

治也自熙寧輔臣出新意改奮
法高談古始陰祖筦商而國脉
病矣名為尊經實具尚空寂而學
術乖矣謂參茯苓者目木不急於
起疾而一切雜進者皆決腸破
胃之藥根本安得而弗傷謂
鼎鼐鼎琮璧不足以適用而錯然
前陳者皆竒佹淫靡之具風俗
安得而弗壞章呂鼓其波二蔡
熾其燄更倡遞述至于黼黻極
矣此其所以致亂也凡百有六
十七年之行事可喜可慕可歎

可愕者一搯而盡得之真
我宋千萬年之龜鑑也吁是豈
獨學者所當孰復哉

睿明在御垂精典訓有高宗成王
之風使是書獲陳于前則所以啓發
天聰緝熙

聖德者何可勝旣窮閭下士
雖無階可以自進然夜光明
月之珍溫歲山海終有不可
揜者安知侍從蕃宣之彥無
以是聞于上者乎君逮事
正獻公得其家學旣又出從

賢士大夫游以博其見聞故
於是書斟酌損益皆有條理
非安危所繫則畧而弗書其
志固將有補於世非徒區事
記覽而已也君嘗與計偕游
天子之學今以累舉恩當對
大廷不願就獨朝夕矻于此
既積十餘年之力篋而成之又
將次及于中興之後聞四方
之士可與商榷者不憚千百
里橐其書而從之忘其道涂
之艱羈旅之苦也此其用志

豈世俗所可量哉迂愚不敏
竊獨嘉之故為之述如此若
書之凡例則君既列之篇端
矣故不復云紹定二年三月

辛卯建安真德秀謹書

平甫與余遊從廿年
矣足不出書室口不及
世事利害得喪不足以
動其心師友淵源蓋
得所漸致為學子未見

其止也一日告余曰

我朝

祖功

宗德相業
臣謨惟長
編一書
包括無遺
本末

可考但浩如烟海學者

莫知涯涘僕之鈍尤不

能強記欲纂系作二書一

舉其要一備其目事之

相聯屬者亦或互見叅

稽國史出入諸書訂
其異以會其同約其
詳而補其略庶幾文
公朱先生所修通鑑綱
目之意而非敢僭以自比
焉此書幸成則得以私
便誦記不敢外示也積
年而書成余與二三同
志先得觀之傳示寔浸
廣人各欲得其書而

力不能錄遂相與鋟木
願朋友共之非平甫志
也平甫從容語余而
色不懌余應之曰

祖宗以仁厚得民以

紀綱立國如前代闔寺
女寵外戚強臣與夫大
刑戮之事悉杜其微而
窒其源

聖子神孫世守弗失

蓋將與典謨並行此
其澤在斯人法垂後
世為君者而得是書
則可以彌綸天道扶
植人紀為臣者而得
是書曰則可以寅亮天
工輔成君德况子之所
纂舉宏撮要在幾務
之繇尤便省覽子其
能終秘之而私為衡茅

書曰生記誦之具乎平
甫曰不敢遂書曰於其
后紹定己丑中秋長
樂鄭性之書曰

國史尚矣太祖太宗
真宗為三朝仁宗

英宗為兩朝神哲徽
欽四宗為四朝史用班馬
軀非一世一有司所能就也
續通鑑長編稽國史倣溫

公運之左氏則眉山李氏
專其家聞有提綱挈手領
之書書曰未之見今所見
者太學生之甫陽陳均為之
名曰皇朝編年舉要備
要其取類博其收功精夫
紀事之約未易言也孔子
序書曰及筆削春秋嚴矣
司馬溫公雖未為本朝
通鑑先為稽古錄祖春
秋意亦本朝史籍之綱
也此書曰又取司馬氏之綱

而時有修飾取李氏之目
而頗加節文且網羅天下
放失舊聞所費之鉅工中為
衡度以裨金匱石室之藏
日昃清問乙夜觀書庶
幾有取焉是於昭代史學
不其多益乎我國家超

越漢唐比方虞周者以仁
立本也若乃陰陽之消長
君子小人之進退前事不
志後事之師者二公既
言之茲不贅云紹定二年

冬十一月日南至朝議大夫
直敷文閣新知漳州林岳
敬書

皇朝編年備要參用凡例

以一字為褒貶者春秋之法也據事實錄而善惡自見者後世作史之體也故自司馬氏以來各立凡例不敢純用春秋之法朱文公資治通鑑綱目間或參用春秋之法而不盡用今紀載

本朝之事則雖綱目之例亦不敢盡

用謹摺

本朝諸帝紀及文公綱目參訂立
爲正例雜例凡十五條其餘變例有
該括不盡者隨事斟酌而書之

正例

一災祥

歷代諸紀凡例各不同按文公綱目
惟日食地震大水江河決溢旱蝗火

災必書

今從其例如只一方小小災變非
因事不書自餘星變災異之類或
因避殿減膳下詔求言或因臣僚
奏論則書之

一沿革

凡制度改更及申明科禁之屬

一號令

凡詔誥命令之屬

以上二條凡有關於治體民俗者
必書之

一征伐

正觀三年以李靖爲某道行軍總管
討突厥四年李靖襲破突厥于陰山
頡利可汗遁去夏四月行軍副總管
張寶相擒頡利可汗以獻此書大征

伐例也其餘小征伐多書云某國犯
邊命某人禦之

又如 徽宗紀云宣和二年十月睦
州青溪妖賊方臘反十二月以童貫
爲江淮荆浙宣撫使以討之三年春
正月方臘陷婺州又陷衢州守臣彭
汝方死之夏四月賊平此書大盜賊
例也小者書法又從簡略

以上二條今放其例隨事斟酌書之或疆場小警及小小寇盜則不書

一殺生

正觀二年冬十月殺瀛州刺史盧祖尚○四年秋八月殺大理丞張蘊古永徽四年二月散騎常侍房遺愛及高陽公主謀反伏誅

麟德元年郇公孝協坐賊賜死以上三例今用後二例斟酌書之

一除拜

立后○歷代帝紀皆云立某封某氏爲皇后封號已見前者不書如自外聘入者書云納皇后某氏

建儲○武德九年立子承乾爲皇太子

以上二條今從其例書之

公主下嫁○正觀十一年以南平公主嫁王敬直○十五年以文成公主嫁吐蕃

內職○本朝帝紀凡妃號皆書綱目
惟有關繫者則書

以上二條今參酌用之

宰執○本朝帝紀凡宰執拜罷貶降

薨卒皆書

今於宰相必書執政以下有關繫則書否則略

除拜書法如正觀三年二月以房

元齡杜如晦爲僕射魏證守祕

書監參預朝政○舊官未見前

則如永徽六年以中書侍郎李

義府參知政事

拜罷並書如 哲宗紀元祐元年
閏二月蔡確罷司馬光爲僕射
兼門下侍郎

以上二條今斟酌用之

罷則前史及綱目其書法不同或
云罷或云免或云罷爲某官

今倣綱目例皆書罷其所除
授之官見於備要注文無甚

關係則略之

薨卒書法諸史例皆不同

本朝諸帝紀凡大臣在位及雖
去位而非貶責者皆書薨綱目
皆書卒

今從 帝紀在位者皆書去
位者有所關係則書執政以
下及諸臣之卒有所關係雖

微必書或附書其官並見備
要注文否則雖貴不書

致仕書法與上同

貶降書法綱目或書貶某人爲某
官或云黜或云降或云削

今隨事斟酌用之

安置居住之屬書法如儀鳳元年
郇王素節袁州安置

又如 哲宗紀紹聖四年二月
追貶呂公著爲建武軍節度副
使司馬光爲清海軍節度副使
王巖叟爲雷州別駕奪趙瞻傳
堯俞贈謚韓維致仕及孫固范
百祿遺表恩澤又云貶呂大防
爲舒州團練副使劉摯爲鼎州
團練副使蘇轍爲化州別駕梁

燾爲雷州別駕范純仁爲武安
軍節度副使安置于循新雷化
永五州劉奉世爲光祿卿分司
南京黜韓維以下三十一人輕
重有差此詳書法也綱目顯慶
二年秋八月貶韓瑗來濟褚遂
良皆爲遠州刺史此略書法也
今隨事斟酌用之所貶之官

所居之州見備要註文

宗室自國公以上及外戚內臣之貴
者其除拜本朝帝紀皆書
今以有所關繫則書否則略

雜例

一行幸

正觀六年九月如慶善宮此書行幸
近地之例也十二月帝如雒陽觀砥

柱祠禹廟遂至蒲州閏二月朔帝還宮此書行幸遠地之例也永徽元年二月御安福門觀百戲此又一例

一賜宴

正觀六年七月宴近臣于丹霄殿十

二月宴五品以上于東宮

一繕修

正觀六年九月修雒陽宮○開元二

年六月作興慶宮○五年以明堂為乾元殿十年冬十月復以乾元殿為明堂

以上三條今於遠地行幸必書餘則斟酌有所關係則書賜宴繕修亦然大工役如修京城築河隄之類必書

一郊祠

諸史書例不一

今於郊祀明堂必書郊祀通書曰
郊分祭合祭以某帝配則隨時書
之明堂亦然其餘祠事創始則書
有所關繫則書宗廟升祔之類亦

同

一賞賜

正觀四年加李靖光祿大夫。○七年

賜太子庶子于志寧孔穎達等束帛
此皆或因事而書今從之

一進書

正觀十七年房元齡等上高祖今上
實錄。○開元二十年九月開元禮成

一振卹

正觀七年九月山東四十餘州水遣
使振之

以上二條今斟酌用之

一蠻夷朝貢

正觀三年十二月突厥突利可汗入朝○閏十二月蠻酋謝元琮等來朝○四年林邑遣使入貢

今於其始通中國則書或因事而

見則書

一蠻夷君長死立

永徽四年十二月西突厥吐陸可汗死此書死例也正觀十二年西突厥乙毗可汗立此書其國中自立例也開元二十八年以阿史那興為什姓可汗或書冊或書立此皆書自朝廷立之之例也

今於遼國高麗西夏交趾諸國斟酌輕重書于年末餘則不正之變

者例不盡諧

皇朝編年

備要引用諸書

皇朝國史紀志列傳

皇朝實錄

皇朝會要

續會要

稽古錄

續通鑑長編

國紀

司馬文正公

李侍郎燾

徐侍郎度

九朝通略

熊舍人克

中興小曆

前人

東都事略

王公偁

丙申錄

李公丙

丁未錄

前人

十朝綱要

李左史臺

十朝政要

蔡尚書幼學

開基事要

陳侍郎傳良

建炎以來繫年錄

李祕讀心傳

經濟錄

趙丞相汝愚

長編紀事本末

楊公仲良

三朝北盟會編

徐參議夢莘

八朝名臣言行錄

朱文公熹

中興紀事本末

學士院進

右諸書外他有旁參互證者不盡錄

皇朝編年備要目錄

第一卷

太祖皇帝

建隆元年

建隆三年

乾德二年

乾德四年

壺

山

陳

均

編

建隆二年

乾德元年

乾德三年

第二卷

太祖皇帝

乾德五年

開寶元年

開寶二年

開寶三年

開寶四年

開寶五年

開寶六年

開寶七年

開寶八年

開寶九年

十二月改
太平興國元年

第三卷

太宗皇帝

太平興國二年

太平興國三年

太平興國四年

太平興國五年

太平興國六年

太平興國七年

太平興國八年

雍熙元年

雍熙二年

第四卷

太宗皇帝

雍熙三年

端拱元年

淳化元年

淳化三年

雍熙四年

端拱二年

淳化二年

淳化四年

第五卷

太宗皇帝

淳化五年

至道元年

至道二年

至道三年

第六卷

真宗皇帝

咸平元年

咸平二年

咸平三年

咸平四年

咸平五年

咸平六年

第七卷

真宗皇帝

景德元年

景德二年

景德三年

景德四年

大中祥符元年

大中祥符二年

大中祥符三年

大中祥符四年

第八卷

真宗皇帝

大中祥符五年

大中祥符六年

大中祥符七年

大中祥符八年

大中祥符九年

天禧元年

天禧二年

天禧三年

天禧四年

天禧五年

乾興元年

第九卷

仁宗皇帝

天聖元年

天聖二年

天聖三年

天聖四年

天聖五年
天聖七年
天聖九年
明道二年

天聖六年
天聖八年
明道元年

第十卷

仁宗皇帝

景祐元年
景祐三年

景祐二年
景祐四年

第十一卷

仁宗皇帝

寶元元年
寶元二年
康定元年
慶曆二年

慶曆元年

第十二卷

仁宗皇帝

慶曆三年

慶曆四年

第十三卷

仁宗皇帝

慶曆五年

慶曆七年

慶曆六年

慶曆八年

第十四卷

仁宗皇帝

皇祐元年

皇祐三年

皇祐二年

皇祐四年

皇祐五年

第十五卷

仁宗皇帝

至和元年

嘉祐元年

嘉祐三年

至和二年

嘉祐二年

第十六卷

仁宗皇帝

嘉祐四年

嘉祐六年

嘉祐八年

嘉祐五年

嘉祐七年

第十七卷

英宗皇帝

治平元年

治平三年

治平二年

治平四年

第十八卷

神宗皇帝

熙寧元年

熙寧三年

熙寧二年

第十九卷

神宗皇帝

熙寧四年

熙寧六年

熙寧五年

熙寧七年

第二十卷

神宗皇帝

熙寧八年

熙寧十年

元豐二年

熙寧九年

元豐元年

元豐三年

第二十一卷

神宗皇帝

元豐四年

元豐六年

元豐五年

元豐七年

元豐八年

第二十二卷

哲宗皇帝

元祐元年

元祐三年

元祐二年

第二十三卷

哲宗皇帝

元祐四年

元祐五年

元祐六年

元祐七年

元祐八年

第二十四卷

哲宗皇帝

紹聖元年

紹聖二年

紹聖三年

紹聖四年

第二十五卷

哲宗皇帝

元符元年

元符二年

元符三年

皇朝編年備要目錄

皇朝編年

備要卷第一

凡七年

壺山陳均編

太祖皇帝

起庚申建隆元年
止丙寅乾德四年

庚申

建隆元年

是歲周禪位唐國主李景吳越王錢俶荆南高保融湖南周行逢漳泉留

從效奉正朔蜀主孟昶稱廣政二十三年南漢主劉鋹大寶三年北漢主劉鈞天會五年

春正月甲

辰上受周禪即皇帝位

連兵北邊周帝命上領宿衛諸將禦之上在周朝掌事政凡六年士卒服其恩威數從

征伐立大功於是主少國危中外始有推戴之議壬寅殿前都副點檢慕容延釗帥前軍先發癸卯大軍繼出軍校苗訓號之天文見日下復有一日黑光相盪指謂上親吏曰此天

命也是夕次陳橋驛軍士聚于驛門議曰主上幼弱我輩出死力破賊誰則知之不如先立點檢為天子然後北征都押衙李處耘具以事白上弟匡乂及掌書記趙普因共以事理曉譬之諸將不可乃遣人馳告殿前都指揮使石守信都虞候王審琦二人皆素歸心上者將士環列待旦上醉卧初不省黎明軍士擐甲執兵直叩寢門曰諸將無主願策太尉為天子且驚起披衣未及應則相與共扶出廳事或被上以黃袍且羅拜庭下呼萬歲上固拒之不可共扶上上馬擁逼南行匡乂叩馬請曰夫濟天下者當使百姓戴若若父京師天下根本願號令諸將禁戢奪攘上曰甚善乃攬轡誓諸將曰汝等自貪富貴欲立我為天子能從我命則可不然我不能為若主也眾皆下馬曰唯命是聽上曰少帝及太后我皆北面事之公卿大臣皆我比肩之人也汝等無得凌暴近世帝王初入京城皆縱兵大掠擅劫府庫汝等無得復然事定當厚賞汝不然當族誅汝眾皆拜乃整軍自仁和門入秋毫無所犯上歸公署諸將擁范質等至上嗚咽流涕曰吾受世

宗厚恩為六軍所逼一旦至此慙負天地將若之何質等未及對羅彥瓌挺劍而前曰我輩無主今日必得天子上叱之不退質等不知所為王溥降階先拜質不得已從之乃奉上詣崇元殿行禪代禮班定獨未有周帝禪位制書翰林承旨陶穀出於袖中遂用之宣徽使引上就龍墀北面拜受訖宰相扶上升殿易服東序還即位羣臣拜賀奉周帝為鄭王太后為周太后遷居西京○上一日罷朝坐便殿不樂者久之左右請其故上曰爾謂為天子容易耶乘快指揮一事而誤故不樂耳○上之初即位也欲陰察羣情頗為微行或諫上輕出上笑曰帝王之興自有天命周世宗見諸將方面大耳者皆殺之我終日侍側不能害也既而微行愈數曰有天命者任自為之不汝禁也軍校有戲手撻者曰可備不虞上笑投之地曰使我親用此事將柰乙巳詔定有天下何且當是時此物固足恃乎

之號曰宋
度因州所名也

大赦改元○贈周韓通

官

嘉其臨難不苟免也通與上同掌禁衛上之入京師也
通時為副都指揮使欲率眾備禦王彥昇殺之上追贈

通中書令仍以禮葬之以彥超進石守信等官職

昇弃命專殺終身不授節鉞守信自殿前都指揮使易鎮為侍衛馬步軍副都指揮使高

懷得自馬步軍都指揮使為鎮為殿前副都點檢張令鐸自

步軍都指揮使易鎮為馬步軍都虞候王審琦自殿前都虞

候升防禦為節度為殿前都指揮使張光翰自虎捷左廂都

指揮使為馬步軍都指揮使趙彥徽自遣使詣諸州

虎捷右廂都指揮使為步軍都指揮使

振貸○以趙普為右諫議大夫樞密直學

士初上領宋鎮普為書記與節度判官劉熙古官察判官

乃召熙古為左諫議大夫餘慶皆在幕府至是普以佐命功遷

端明殿學士義倫戶部郎中皇帝斥之加睦州防

御使光義立太廟從有司之請也歲以四五月及季

拾以孟冬五年一禘以孟夏其七祀春祀司命及戶夏祀竈

季夏祀中雷秋祀門及厲冬祀行皆竇儀所定也○尋上高

祖眺謚曰文獻廟號僖祖陵曰欽陵妣翟氏謚曰文懿曾祖

珽謚曰惠元廟號順祖陵曰康陵妣桑氏謚曰惠明祖敬謚

曰簡恭廟號翼祖陵曰定陵妣劉氏謚曰簡穆考殷弘謚曰

昭武廟號宣祖陵曰安陵陵名謚號皆竇儼所撰定也○時
聶崇義所上郊廟器玉新圖尹拙
等多所駁難乃悉令儀裁定頒行
二月尊母太夫人
杜氏為皇太后○加范質王溥魏仁浦吳延祚
官上待周三相並以優禮質自司徒平章事昭文館大學士
參知樞密院事加司空仁浦自樞密使中書侍郎平章事集賢
知樞密院事加司空仁浦自樞密使中書侍郎平章事集賢
殿大學士加右僕射自唐以來三大館職皆宰臣兼之首相

昭文次監修次集賢固廟因焉。○時曾溥皆罷參知樞密。又加樞密使吳延祚同二品。以其父名璋故避之。

月定色尚赤臘用戌有司言周木德夏四月定

樂名改周樂文舞崇德之舞為文德之舞武舞眾成之舞為舞功之舞十二順為十二安樂章皆定儼所定也

昭義李筠據澤州命石守信等討之筠在鎮逾八年

陰為跋扈之計周世宗每優容之上遣使諭以受禪筠既延使者置酒張樂遽索周祖畫像置廳壁泣涕不已潛遣其親吏往北漢納欵求援從事閻丘仲卿說筠曰公孤軍舉事其勢甚危雖倚河東之援恐亦不得其力大梁甲兵精銳難與爭鋒不如西下大行直抵懷孟食虎牢據洛邑東向而爭天下計之上也筠不能用北漢主傾國南下羣臣餞之汾水趙華曰李筠舉事輕易必無成陛下埽境赴之臣未見其可北漢主拂馬軍于太平驛遣其平章事衛融宣徽使盧贊

將兵救筠筠留其長子守節守上黨自帥其眾南出與守信等遇于長平守信等大破之盧贊溺死筠走保澤州諸軍進

圍五月己亥朔日有食之。○遷周廟初詔改廟于西京至是成遣官奉神主遷焉

郭進加洺州防禦兼西山巡

檢備北漢也上親征李筠六月克之。○救。○秋七

月上至自澤州筠自焚獲北漢衛融進攻潞州筠子守節以城降北漢主遁歸謂趙華曰

果如卿言吾幸全師以歸但恨失衛融盧贊尔由是重文學之士久之華請老時已罷為左僕射遂使食其祿終身以趙弘兼平章事。○尋以融為太府卿初融之被執也上詰融曰汝教劉鈞助李筠反何也融從容對曰犬各吠非其主臣四十口衣食劉氏誠不忍負之陛下宜速殺臣臣必不為陛下用縱不殺臣終當間道走河東耳上怒命左右以鐵槌擊其

首流血被面黜呼曰臣得死所矣上曰忠臣也釋之命以良藥傳其瘡上命融致書于劉鈞求周光遜李廷玉約亦歸融太原鈞不報融遂留

以外居潤權知鎮州初以知州易方鎮也八月朔御崇元殿行入閣儀置待制候對官賜廊下食入閣唐制起於天寶明

皇以無為守成詔晏朝喚仗百官從容至閣門入蓋唐前舍元殿非正至大朝會不御次宣政殿謂之正衙每坐朝必立仗於正衙或御紫宸殿即喚正衙仗自宣政殿兩門入是謂東西上閣門故謂之入閣其後遂為常朝之儀五代以來既廢正衙立仗而入閣亦希闕不講至是復行之然御前殿非唐舊矣崇元殿即大慶殿前殿也待制候對者亦唐制也每正衙待制官兩員正衙退後又令六品以下於延英候對皆所以備顧問其後每入閣即有待制次對官後唐天成中廢至是復行之廊下食起唐正觀其後常參官每日朝退賜以食謂之廊飧唐末浸廢但於入閣起居日賜食今循其制以

皇弟光義領泰寧節度○立夫人王氏為

皇后彰德節度使饒之女也頒新權衡○以趙普為樞

密副使上之征澤潞也普請行上笑曰卿豈勝甲冑乎至是師還論功上曰普宜在優等遂遷九

月命石守信等討淮南李重進重進周太祖之甥也上之

受禪重進請入朝上賜詔止之重進自以前朝近親恐不得全乃決意反遣使請援於唐唐主不敢納

高保融卒弟保勗領軍務保融性迂緩賤趙逢官

逢時為中書舍人上之征澤潞也山徑狹隘多石上自取數石於馬上抱之下皆爭負逢憚險偽傷足留懷州及師還將大有除拜逢又稱疾請於私第草制上怒貶房州司戶

吳越推酒酤○冬十

月河决厭次

又决靈河

荆罕儒龍北漢汾州死之

詔誅其部將不用命者二十九人罕儒時為晉州鈐轄

詔流内鈐選士

詔吏部流内鈐

士人

上親征李子重進十一月克之

重進

誅唐叛

臣杜著

上使諸軍習戰艦於迎奎唐王懼甚其小臣杜著頗有辭辨偽作商人由建安渡來歸而彭澤令薛

良坐事責池州文學亦挺身來犇且獻平南策唐主聞之益懼上命斬著於下蜀市良配隸廬州牙校

十二

月上至自揚州○定縣望

以上戶籍為率戶四千

上為中為中下凡五等三年一定版籍之數國初戶數凡九十六萬七千有奇

唐泉州留從

效稱藩

○寬商征

自唐宋藩鎮擅利其後諸國分據故征筦尤繁是年詔所在毋得苛

留旅人非有當筭之幣勿搜其篋

是歲幸國子監

通監書在四月范祖禹帝學書在正

月次月

籍記人才

應内外官為時所推者別籍之以待不次選用

辛酉 建隆二年

唐國兵越荆南湖南漳泉奉正朔蜀稱廣政二十四年南漢大寶四年此

漢天會

春正月幸造船務閱習水戰○遣使

度民田

周宋遣使度田多失實至是上精擇其人仍加戒飭未幾館陶令坐括田不實杖流海島而人始知

畏 浚蔡渠

通淮右之漕也命右領軍陳承昭督其役

二月幸飛山營

閱砲車○浚五丈渠

通東北之漕也亦命陳承昭督之夾汴河造斗門上曰河渠之

役非獲已煩民奉已之事朕不為也後改蔡渠為惠民河五丈渠為廣濟河○汴都仰給漕運歲調丁夫浚河粮皆自贖

上初即位即遣使監輸民租懲五代藩鎮重歛之弊也時符彥卿在天雄軍

詔官給其食取民尤悉上更賜公粟以媿之後閻式等並坐監輸增唐

羨貶秩常盈倉吏以多入民租弃市而民力方少更

李景遷南昌射嚴續知樞密院事湯悅佐之悅即啟崇

義也姓犯宣祖諱改焉唐主至南都城邑迫隘官府營廨十不容一二群臣日夜思歸唐主悔怒欲誅始謀者唐錫發病

宰相極諫上遽命釋之獲免者尚十二人**却長春節及他慶賀貢獻**

幸作坊宴射上酒酣顧謂王彥超曰卿曩在復州

時臣一刺史耳勺水豈能容神龍手上笑而罷翌日彥超上表待罪上遣中使慰撫之因謂侍臣曰沈湎於酒何以爲人

朕或因宴會至醉經宿未嘗不悔也**閏月解慕容延釗韓令坤兵**

權延釗自殿前都點檢罷爲山南西道節度令坤自侍衛親

京師之兵以殿前侍衛二司領之時殿前司領騎兵之額三十七步兵之額二十六侍衛司領騎兵之額三七五步兵之

額八**金房等州饑遣使振之****夏四月癸**

巳朔日有食之**嚴贓吏法**時滴河令李瑤坐贓杖殺自後贓墨

之吏間有**寬麴鹽酒禁**漢法犯私麴者並弃市周祖始

前朝鹽法太峻定以官鹽闌入禁地貿易至十五斤私煮至五斤以私酒入城至三斗者始處極刑其餘論罪有差又以

三斤者坐死以鈔鹽入城市三十斤以上者奏裁越明年及乾德四年申下詔寬之罪至死者奏裁法益輕而犯者益鮮

累朝復從寬減不復用死刑矣五月赦皇太后寢疾上憂懼乃降是赦置諸軍剝負

以處退兵令所在揀閱升驍勇退老弱罷常參官序遷法舊制皆以歲月序遷

上曰是非循名責實之道會監門衛將軍魏仁募傳置意用刑至是金州防禦仇

卒先是調丁夫為嚴故入法五代以來牧守多武人率

超判官左扶並坐故入抵罪自後人始知奉法六月皇太后杜氏崩后聰明

每與上參決大事猶呼趙普為書記曰趙書記且為盡心吾兒未更事也及寢疾戒上傳位光義曰若周有長君汝安得

至此因命趙普於榻前為誓書其尾曰臣普記藏之金匱唐主景死子煜立即從嘉

歸金陵尊母鍾氏為太后后父名秦章易號曰聖尊后立妃周氏為國后封其諸弟從善從懿從諫從度從信以嚴續為

司空平章事湯悅右僕射樞密使罷諸屯田務歸州縣先是唐用李德明等議與復曠土為屯田典掌者非人大為民患

秋七月解石守信等兵權

上既誅李筠及重進

民稍休悉一日召趙普問曰吾欲息天下兵與國家為長久之計其道

何如普因言自唐季以來帝王數易由節鎮太重君弱臣強而已今莫若稍奪其權制以錢穀收其精兵則天下自安又

言石守信王審琦等皆非統御才宜授以他職上悟於是召守信等宴酒酣屏左右謂曰我非爾曹之力不得至此念爾

曹之德無有窮盡然終夕未嘗敢安枕而卧也守信等皆曰何故上曰是不難知居此位者誰不欲為之守信等皆頓首

曰陛下何為出此言今天命已定誰敢復有異心上曰不然汝曹雖無異心如麾下之人欲富貴者何一旦以黃袍加汝

之身爾雖不欲為其可得乎皆頓首涕泣曰臣等愚不及此惟陛下哀矜指示可生之途上曰人生如白駒過隙所為好

富貴者不過欲多積金錢厚自娛樂使子孫無貧乏耳爾曹

何不釋去兵權出守大藩擇便好田宅市之為子孫計多置歌兒舞女日飲酒相歡以終其天年我且與爾曹約為婚姻君臣之間兩無猜疑上下相安不亦善乎皆拜謝曰陛下念臣等至此所謂生死而肉骨也明日皆稱疾請罷乃以侍衛都指揮使石守信為天平節度殿前副點檢高懷德為歸德節度殿前都指揮使王審琦為忠正節度侍衛都虞候張令鐸為鎮寧節度皆罷軍職獨守信兼侍衛都指揮使如故其實兵權不在也殿前副都點檢自是亦不復除授以

皇弟光義為開封尹同平章事○張瓊為

殿前都虞候上衛謂士如虎內客省使王贊知

揚州上以江南未下素知贊有材有意大用之贊之任船覆溺死上悼之曰溺吾樞密使也○初唐制百職皆

九寺三監分典自開元中置諸司使而寺監之務始多歸焉國朝因之自內客省使至閣門使謂之橫班皇城使以下二

十名謂之東班宮苑使以下二十名謂之西班八月削義武孫行友官

在鎮逾八年上初即位行友不自安累乞解官歸山上不許行友懼乃繕治甲兵將還據狼山以叛兵馬都監密表其事

上遣閣門副使武懷節馳騎會鎮趙之兵偽稱巡邊直入定州行友不之覺既而出詔示之令舉族歸朝行友倉惶聽命

既至削奪官爵禁固私第女真貢馬女真本命朱里真番語吾音訛

曰女真肅慎之遺種而渤海之別族也或曰本姓挈三韓辰韓之後於夷狄中最微且賤三國志所謂挈婁元魏所謂勿

吉唐所謂黑水靺鞨者今其地也有七十二部落不相統制唐貞觀中渤海來朝太宗問其風俗因言及女真自是聞于

中國契丹阿保機乘唐衰取北方諸蕃三十六女真在其中自後雖曰臣屬契丹然亦服叛不常契丹羈縻而已與契丹

言語不通無文字地皆山林險絕其俗剛勇善射能為鹿鳴呼羣鹿而射之食生肉飲糜血醉則人為縛之不然必殺人

雖父母不免也其居以樺皮為屋官之尊者以九曜二十八宿為號職皆曰勃極烈猶中國總管也宗室謂之即君事無大小必以即君總之

至是以名馬來貢
九月唐主煜使馮謐來貢
唐主手表自陳本志冲淡不得已而紹襲事大國不敢有二隣於吳越恐為所讒上優詔以荅焉初周世宗既取江北賂書江南如唐與回鶻可汗之式呼國主上因之於是始改書稱詔

節度
保勛淫恣記室孫遣使如唐吊祭
賜約束因

謂左右曰朕每遣使四方常諭以謹敕頗聞鮮克由禮遠人何觀焉左右請齊之以刑上曰齊之以刑豈若其自然耶要當審擇
冬十月禁邊民出塞盜馬
初五代募民盜其人耳
直籍數以補戰騎之闕上欲保境息民遂加禁
止前所盜馬盡還之由是夷狄畏慕不敢內侮
明憲皇

后祔葬安陵
後改謚
十一月幸國子監○十

二月回鶻于闐來貢
初回鶻既為黠戛斯及唐將石雄等所破餘眾西奔吐蕃

貢之甘州可汗景瓊其後也至是遣使來貢○于闐王聖文自言出於唐宗室云

壬戌建隆三年
唐國吳越荆南湖南漳泉奉正朔蜀稱廣政二十五年南漢大寶五年北

春正月振淮南饑
初沈議倫使吳越歸言揚泗饑民多死郡儲尚多可

貸之至秋收新粟有司沮曰若歲荐饑將無所取償上以詰義倫對曰國家方行仁政自宜感召和氣立教豐稔上悅從之

詔長吏勸課農桑
自後或因歲幸國子監○二

月嚴舉主連坐法
去歲太僕少卿王承哲坐舉官失實貶坐是命常參官舉幕職令錄

有罪連坐。乾德間命陶穀等
各舉其充郡佐者，謬舉者坐罪。**詔百官轉對**，每五日內
次轉對，指陳時政得失事。**定竊盜贓滿法**，滿五貫足
關急切者許非時上章。**定竊盜贓滿法**，陌者死。

幸國子監。○三月定大辟詳覆法，懲五代藩
弊初令諸州奏大辟案，委刑部詳覆。既又從宗正丞趙卬之
請，令諸州錄參與司法掾同斷獄。○上嘗讀堯典，歎曰：堯舜
之世，四凶之罪止從投竄，何近代憲網之密也？盖有意於措
刑也。故自開寶以後，犯大辟非情理深害者，多貸其死。八年
三月，有司言：自二年至今，計所貸死罪凡四千六百八人。○
上性寬仁，多恕。尚食供膳有蝨，緣食器旁，謂左右曰：勿令掌
膳者知。**詔以官車送軍衣**，送戍卒衣，並官給車乘，毋得
上供錢帛舟車，並更定合班儀制。升六曹侍郎在給
從官給勿以擾民。舍上即中在補闕。

上負外郎在拾遺，上節度使在六曹侍郎，上中書侍郎，下故
事北省官為侍從班，五品壓南省，四品六品壓南省，五品節
度使在諸司，二品下至是改焉。○又故事，臺省官為侍從班，
內殿起居立於一品之前。乾德間，上見太子太保王簿班在
臺省，官從謂左右曰：簿舊相當寵異。之乃詔分臺省於東西，遂為定制。**禁火葬**。○留從
效卒，兄從願之子紹鏐，嗣領軍務，未幾，衙將陳洪進，夏
誣紹鏐謀附錢氏，執送于唐，推張漢思為留後。

四月追冊皇后賀氏，謚曰**定難李彝興**，貢
馬。上方命工治玉帶，即遣使以帶賜之。彝興感服，彝興即彝
啟也。李氏世為定難軍節度使，彝興後唐清泰中，襲兄彝
超之位，周顯德

遣使按河北旱田。是年七月，復遣○
中封西平王

五月嚴差役法，詔令佐檢察差役，有不
租勿俟報

視旱即蠲其

平許民自相糾舉京百

司補吏須不礙役乃聽○差役古法也國初循舊制衙前以
主官物里正戶長鄉書手以課督賦稅者長弓手壯丁以逐
捕盜賊承符人力手力散從官以奔走驅使在縣曹司至押
錄在州曹司至孔目官下至雜職院虞候揀拍等人各以鄉
戶等第差充熙寧四年始議使民出錢官為雇役謂之免役
錢六年行保甲法保甲正副大小保長機察盜賊七年輪保
丁充甲頭惟稅罷募戶長壯丁八年罷耆長令保正大保長
管幹別立庸直雇承帖人隸其下元豐八年有言耆壯之役
則歸於保甲之正長戶長之役則歸於催稅甲頭是使民出
錢免役而復使之執役也有旨耆戶長壯丁並募充等第給
雇錢其舊以保正代耆長催稅甲頭代保長承帖人代壯丁
並罷紹聖元年復雇役法二年始以大保長催稅一稅一替
罷差保頭以舊耆長錢支保正戶長錢支保長壯丁錢支承
帖人建中靖國元年拘收大保長雇錢紹興二年拘收耆戶
長雇錢十二年拘收壯丁雇錢蓋自保正長承帖人雇錢並
起發而充役如故民力於是困矣此其大略也而其患皆起

於以保甲代役戶寬

吳延祚罷

自樞密使出領雄武夕

挾不均重為民病

北接大數材植所出戎人久擅其利及吳防知秦州置采造

戰上不欲邊境生事命延坐贖詔

六月修學祠

初上命

舍祠宇至是成上自贊孔顏命宰相以下撰餘贊上一再臨

幸命崔頌判監事頌始聚生徒講書上聞而嘉之遣中使徧

賜酒果又命**秋八月命劇可久致仕**以其年逾七十

為大**九月復書判技萃科**○冬十月**班循資**

格及長定格編

武平周行逢卒

子保權嗣領軍務衡州

遂作亂自衡州起兵據

幸岳臺閱騎射○**趙普檢**

潭州保權表聞請教

校太保樞密使

樞密使不帶正官自晉始

十一月大閱

辛酉大閱

西郊甲子又閱上謂近臣曰晉漢以來衛士不下數十萬然可用者寡頃閱去冗弱又親校其藝合悉為精銳矣

荆

南高保勗卒

兄子繼冲嗣

高麗來貢

其王王昭也

初班

曆于唐○十二月定強盜贓滿法

滿三千足陌者死

復置縣尉

自萬戶至千戶置弓手有差盜賊闕訟事皆歸令尉五代以來節度使補親隨為鎮將與

今元禮今還統於縣鎮將所領不及鄉村但郭內而已從趙普之請也○乾德三年仍詔諸州監軍巡校不得與州縣事

以姚內斌為慶州刺史

時西羌婁為邊患故選用之上曰分邊寄者朕每優

恤其家厚其爵祿多與公錢及屬州課利使得市易特免征算聽其召募驍勇以為爪牙朕雖減後宮之數極於儉約以

備邊費亦無所惜也時諸僭偽之國未下而西北二虜未賓

先是周朝已命李漢超守關南馮繼業守靈武何繼筠守隸

州郭進守洺州上受禪皆因其任又益選將帥之忠勇者委

以邊寄於是得李繼勳於潞州賀惟忠於易州姚內斌於慶

州延州有趙贊原州有王彥昇隰州有李謙溥瀛州有馬仁

瑀通遠軍有董遵誨其家族在京師者撫之甚厚郡中筦權

之利悉與之恣其圖田貿易免所過征税許令召其驍勇以

為爪牙凡軍中事許從便宜每來朝必召對命坐賜以飲食

湯膾味異以遣之由是邊臣皆富於財得以養募死力使為

間諜洞知蕃情每入寇必先知之預為之備設覆掩擊多致

克捷自此無西北之虞得以盡力東南取荆湖川廣吳楚之

地得猛士守四方推赤心待人之效也○繼筠居北邊前後

二十年深沉有智略得士卒死力虜人畏伏○惟忠曉兵法

有方略得士卒心用兵所向無敵名振北虜十餘年間不敢

寇邊○內斌在州逾十年蠲河北租時天下旱蝗蜀

遠人畏伏目之為姚大蟲蠲河北租時天下旱蝗蜀

括逋租

龍遊今田淳上疏切諫蜀主不能用○淳嘗謂所親曰吾觀僭偽改廳堂為宮殿紫綬為黃服前驅

為警蹕僚佐為卿相妻妾為妃后何如常稱成都尹無城族之禍乎或謂之曰如君之才固堪重寄宜少低抑淳曰吾安

能附狗鼠哉蓋指王昭遠輩也是歲周鄭王遷居房州 開寶中以辛文悅為

知州上幼從文悅肄業及即位召見授太子中允判太府寺鄭王時在房上以文悅長者故用之

癸亥 乾德元年 十一月改元○是歲荆南湖南平唐

六年南漢大寶六年 春二月天雄符彥卿來朝 上欲

使之典兵趙普屢諫不聽宣已出復懷入從容言之上曰彥卿豈負朕耶普曰陛下何以能負周世宗上默然事遂寢

彥卿武勇有謀善用兵契丹既滅晉北歸耶律德光母問其左右曰彥卿安在或對曰在徐州母曰不與彥卿來何夫策

之甚也 命慕容延釗等會周保權討張文表

師出江陵高繼冲降荆南平復以繼冲領

荆南 上命延釗等欲因假道取江陵繼冲使來犒使李處

縣十四萬二千戶口來歸○初季景威請於荆門中道險隘處設伏襲王師繼冲不從扼吭而死上聞之曰忠臣也命厚

卹其家○不幾繼冲表請陪祀詔許 澶滑等州饑遣

使振之○延釗至湖南保權拒守三月入

朗州獲保權湖南平 王師之未至也張文表已敗死保權聞王師既下荆南懼而備

守遂命進討平之得州十四 定折杖法 徒流笞杖各有監一縣六十六戶九萬七千數凡流刑四曰

加役流杖二十配役三年流三千里杖二十二千五百里杖
十八二千里杖十七並配役一年徒刑五日徒三年杖二十
二年半杖十八二年杖十七一年半杖十五一年杖十三杖
刑五日杖一百為杖二十九十為十八十為十七七十為
十五六十為十三笞刑五日笞五十為十下四十三十為八
二十十為七舊據獄官令用杖至是定折杖法常行官杖厚
薄長短如周顯德中制徒流笞杖通用常行杖徒罪決而不役徒流皆背受笞杖皆背受
杖徒罪決而不役徒流皆背受笞杖皆背受
一石別輸一斗○乾德中詔夏四月赦荆湖○置
發義倉振饑民者勿待報

諸州通判命文臣知州

分節度使刺史之權也或節度使刺史有闕則以文

臣代之於是賈玘等通判湖南等州李昉權衡州○乾德五年仍詔通判鈐轄都監等毋得受節度使添給

幸

國子監○幸武成王廟○閱習水戰

鑿池於朱明門

外選萃號水虎捷習戰池中上數臨視焉行應天曆

王處訥所定上為之卒

幸王津

園閱騎射○五月命艾穎致仕

先是上命執政擇廷臣董在京

諸倉穎以工部侍郎充首選自以清望官辭不肯為上曰惟致仕乃免穎遂請老○建隆初下揚州以樞密院直學士杜韓監州稅以朝臣監諸用稅始此○國初承舊制用三司大將領糧料之職開寶六年改任京官以著作郎陸光範為糧料使未幾京城左右軍巡院亦改用士人以館陶令李萼安豐令趙中衡兼左右軍巡檢○尋又以京官為三司孔目官

泉州陳洪進廢張漢思自領軍務○六月

定武成王廟從祀

先是上臨幸觀所畫名將指白起曰起殺已降不武命去之乃詔張

昭實儀高錫等取歷代謀臣名將功業始終無瑕者配享修梁周翰言昭等所定未當上以升黜之意有所勸懲不服

前代帝王祀典

師文王在鄠武王在鎬漢高祖在長陵宜更立光武廟于南陽唐太宗廟于灑泉

澶濮等州蝗

○定蜡社日

太常博士和峴上言措蜡之别名聖朝以戌日為臘而前日辛卯行措禮非是按唐

正觀中以前寅措百神卯祭社稷辰日臘享宗廟開元定禮三祭皆用臘辰以應土德有司請依開元禮三祭同用戌日

從定進馬齋即負

唐制禮部簡試大廟齋即郊社齋即文資也兵部簡試千牛備身及

太子千牛武資也蓋文武蔭補之制自後唐天成中定齋即歲以三十人為限同光中定千牛左右仗各六負歲以十二

負為限至是減之兵部每歲補進馬十負禮部補齋即命十五負臺省六品諸司五品登朝第二任方得蔭補

朝官知縣

大理正奚嶼知館陶縣監察御史王祐知魏縣楊應夢知永濟縣屯田員外郎于繼徽知

臨清縣常參官知縣自嶼等始也○時符彥卿久鎮大名專恣不法屬邑頗不治故特選強幹者往莅之其後右贊善大夫周渭亦知永濟彥卿郊迎渭揖于馬上就館始於彥卿相見略不降屈縣有盜傷人而逸渭捕獲暴其罪斬之不以送府渭先是為白馬主簿縣大吏犯法渭即斬之上奇其才故擢右贊善大夫

秋七月幸武成

王廟○幸新池閱習水戰○八月河決濟

州○頒新刑統

實儀序所定也

張瓊自殺

時軍校史珪石漢卿等方得幸

瓊輕侮之二人因譖瓊養部曲百餘人擅威福上召諭之不伏下有司案鞠瓊自殺上旋聞其家無餘財只有奴三人甚悔以責漢卿漢卿曰瓊所養一敵女真來貢

租賦令專治舟

九月此漢寇平晉軍郭進等救

之未至寇遁

時北漢以契丹兵入寇進往救之○進御軍嚴每入北漢境無不克捷上時遣戍卒

必諭之曰汝輩當謹奉法我猶赦汝即進殺汝矣嘗選御馬直三十人隸進麾下押隊屬與北漢人戰往往退法進斬十餘人奏至上方閱武便殿厲聲曰御馬直千百人中始得一潛遣中使獎諭之嘗有軍校詣闕訴進不法事上謂近臣曰所訴事多非實蓋進御下嚴此人有所過懼而誣之耳即執付進令自誅之會北漢入寇進謂之曰我赦汝罪汝能殺寇則薦汝于朝其人果立功而還奏遷其秩○後上令有司為進治第用甌瓦有司言惟親王公主始得用此上怒曰郭進冬控扼西山逾十年使我無西顧憂我視進豈減兒女耶

十月作版籍戶帖戶鈔○十一月陳洪進

稱藩○甲子郊奉宣祖配大赦改元先是詔以冬至

有事南郊有司言冬至乃十一月晦前一日皇帝始郊不應近晦乃改用十六日甲子○郊天之禮唐制每歲冬至圓丘正月上辛祈穀孟夏雩祀季秋大享凡四祭昊天上帝親祀則并設皇地祇位國朝因之作壇於國城之南每歲令有司奉事於南郊其祭皇地祇及神州地祇亦因唐祇皇地祇祭以夏至作方丘宮城北十四里神州地祇祭以孟冬別為壇於北郊云○太常博士和峴言祭不欲數今十一月十六日親祀南郊請權停二十九日南至之祀從之○司徒兼侍中范質為南郊大禮使翰林學士承旨禮部尚書陶穀禮儀使吏部尚書張昭鹵簿使御史中丞劉溫叟儀仗使皇弟開封尹光義橋道頓遞使○先是上命范質等講求典故質乃詳定為南郊行禮圖令司天監定從祀星辰圖上之○癸亥享太廟是夕陰晦至夜分開霽上初詣太廟乘玉輅左諫議大夫崔頌攝太僕上問儀仗名物甚悉頌應對詳敏上大悅將升壇有司具黃褥為道上曰朕繫誠事天不必如此命徹之還宮將駕金輅顧左右曰於典故可乘輦否左右對以無害

乃乘輦壬申以南郊禮成大宴
十二月皇后王氏崩

廣政殿號曰飲福自是為例
謚曰孝明○后之事昭憲太

后也曲盡孝敬每得其歡心
出鄭起揚徽之為縣

令起顯德中嘗貽書范質言上有人望不宜握禁兵徽之亦
忠臣也不宜深罪至是

安陵于西京○北漢寇府州折德貞敗之

○奉赤帝為感生帝從聶崇義之請也國朝因唐制每歲四郊迎氣及土王日祀五方五帝以五人帝配五官三辰七宿從祀崇義言國家以火德王宜別祀赤帝於是以上辛祠之奉宣祖配

甲子乾德二年唐國吳越漳泉奉正朔蜀稱廣政二

年十七年南漢大寶七年北漢天會九

年春正月行四時參選法不俟冬集以張去華

為右補闕去華為秘書郎上書自薦願與知制誥張澹並試上命承旨陶穀試之於講武殿澹不應

策問責授左司員外郎以云華為右補闕朝議薄去華躁進以是不遷秩者十六年范質王溥魏

仁浦罷命坐夫政事則面議之從容賜茶而退自餘號令除拜刑賞廢置但入熟狀畫可降出即行之質等自以前朝

舊臣稍存形迹每事具劄子進呈退即批所得聖旨同列書

字以志之由是奏御寢多而賜茶之禮遂廢○未幾質卒自

質寢疾上數親臨視器皿不具者賜之質以廉介自將門無

私謁五代以來宰相多取給方鎮質始絕之為相日命刺史

縣令必以戶口版籍為急每遣使者按民田及獄皆召見為

述天子憂勤之意時號賢相上後因講求輔弼謂左右曰范

質居第之外不營資產真宰相也太宗亦素重質以為前朝

宰相循規矩重名器持廉節無以趙普同平章事

出質之右者但欠世宗一死耳

崇矩為樞密使上既除普及崇矩無宰相書勅使翰林陶穀穀謂自昔輔相未嘗虛俯

唯唐太和中甘露事數日無宰相時左僕射令狐楚等奉行制書今尚書亦南省長官可以書勅實儀曰穀所陳非承平命普監修國史先是宰相兼職皆內降制處分至是止用勅

非舊也**夏四月親策制科**周設賢良經學吏理三科至是親策賢良科得博州判官

穎**改葬宣祖及昭憲皇后于安陵以孝明**

孝惠二后祔

尋以神主祔別廟孝明居上孝惠次之

置參知政事

上欲為普置副而難其名稱召問陶穀下宰相一等何官穀引唐參知政事為對薛居正時為樞密直學士呂餘慶為兵

部侍郎乃命二人並以本官兼之不宣制不押班不知印不

升政事堂蓋未欲遽令與普齊也○史臣曰按唐參預朝政

參知政事等職皆宰相任也高宗嘗欲用郭待舉參知政事

復以其資淺止令同承受平章事則平章事亞於參政矣穀

言失**六月以皇子德昭為防禦使**前代皇子出閣昭未冠特殺其禮非舊典也紹聖中皇子初命即封國公遂為故事**河南北陝西蝗**○

秋七月定選法陶穀所上詔行之自是銓選漸有倫矣初張昭領選凡京官七品以下猶

屬銓自後京官以上無選中書門下持**詔吏部奏擢**

除而使府不許辟召幕職悉由銓授**八月置權貨**

選人

上慮銓衡止憑資歷英俊或沉

九月永安折德宸

務

置於京師及松江今商旅入

金帛京師執引詣松江給茶

卒

命其子御勳嗣知府州自是世襲

冬十一月命王全斌等伐

蜀

命全斌等將兵三萬由鳳州道劉光義等將兵二萬由

歸州道進封崔彥進曹彬等副之上詔諸將毋得侵暴違者以軍法從事又為蜀主治第以待其至蜀主聞王師出命王昭遠趙崇韜韓保正李進分兵拒戰全斌攻拔與州又敗蜀兵于三泉禽保正及進○初蜀於夔州鎖江為浮梁上設敵棚三重夾江列礮上出地圖指其處謂諸將曰沂江至此切勿以舟師爭勝當先遣步騎潛擊俟其稍却乃引戰棹夾攻可必取也光義至如上策攻克之高彥疇戰死於是蜀將焚浮梁而遁○時京師大雪上設氊帷於講武殿衣紫貂裘帽以視事忽謂左右曰我被服如此體尚覺寒西征將帥猶犯霜霰何以堪處即解裘帽遣中黃門馳驛齎賜全斌真諭旨諸將以不能徧及也全斌拜賜感泣

乙丑乾德三年

是歲蜀平唐國吳越漳泉奉正朔南漢大寶八年北漢天會十年春

正月克劔門下劔州孟昶降蜀平

全斌等趨劔門次益

光得降卒言益光江東越大山數重有狹徑名來蘇蜀人於江西置柵對岸可渡自此出劔門南二十里至青疆與官道合若行此路則劔門不足恃也乃分兵趨來蘇跨江為浮梁以濟蜀人見之弃寨而遁遂至青疆與大軍夾擊劔門破之執王昭遠趙崇韜劉光義進克萬施開忠四州峽中郡縣悉下次遂州知州陳愈舉城降盡出府庫金帛以給將士初諸將辭行上謂之曰所破郡縣當傾帑藏為朕賞戰士國家所取唯上疆爾故人皆效命所至成功如席卷之易云是時蜀兵所在潰奔蜀主聞之大懼司空李昊勸昶降昶命昊草表前蜀之亡也降表亦昊為之蜀人夜書其門曰世修降表李家表至全斌以聞昶詣軍降自全斌等發京師至昶降凡六十六日得州四十六縣二百四十戶五十三萬四千為西川路

○初王師之下西蜀也諸將所過咸欲屠戮以逞獨曹彬禁
止之故峽路兵終始秋毫不犯上聞之喜曰吾任得其人矣
賜詔褒之王仁贍自蜀返歷詆諸將獨曰清廉畏謹不負陛
下使者惟曹彬一人耳上嘗從容問彬以官吏能否彬惟薦
沈義倫可任○昶尋至闕上表待罪詔釋罪昶入見上勞撫
之賜賚甚厚始議伐蜀也詔有司治昶第一區凡五百餘間
遂以賜之加昶檢校太師中書令秦國公仍授其子弟及為
相李昊等官未幾昶卒昶母李氏不哭舉酒酌地曰汝不能死
社稷貪生至今日吾所以忍死者為汝在
耳今汝既死吾安用生因不食數日亦卒

二月壬寅朔

日當食不虧○赦西蜀

訪賢才叙官吏蜀人以安自是下崩表平江南皆如之○上
聞西川行營有大技割民妻乳而役之者亟召斬之近任營
救頗切上流涕曰興師年代婦人何罪殘忍至此當遭置法
以償其冤○時蜀中群盜四起將士多驕恣全斌等不能禁

命呂餘慶知成都餘慶至捕斬軍校為劫者民乃寧居馮瓚
知梓州瓚視事纔數日會亂卒嘯聚夜攻州城瓚曰烏合之
衆必無固志旦自潰矣城中止有兵三百人分守諸門
瓚坐城樓密令促其更籌未夜分擊五鼓賊驚遁去

三

月令諸州賦入輸京師

自唐天寶以來方鎮七重
兵以賦入自贍上供殊鮮

五代方鎮益強率厚自利故趙普勸上革其弊時方鎮闕帥
稍命文臣權所在場院間遣京朝官廷臣監臨又置轉運使
通判條禁漸密由是利歸公上外權削矣○開

置封樁

寶六年令諸州錢物盡數係省毋得妄有支費
庫國初貢賦悉入左藏庫及取荆湖下西蜀儲績充羨上
顧左右曰軍旅饑饉當預為之備不可陣事厚斂於民

乃於講武殿後別為內庫以貯
金帛凡歲終用度之餘皆入焉

夏五月大赦○秋七

月河決陽武○八月籍諸道驍勇補禁衛

上親臨試之用趙普之謀也○按建隆中以諸郡本城兵共百役或更戍它郡三司禁旅就糧州郡亦不得常坐食於京師自列郡各置禁軍嚴差出占破之令而壯城作院各置指揮由是禁旅無就糧者而廂軍亦升為禁軍不復戍後矣○按祥符天聖編勅諸郡自騎射至牢城凡名額二百二十三總為本城而已所謂禁兵者皆三司之卒分屯而更戍今之屯駐駐泊之名而鈐轄都監監押之官所部領者也三邊之兵間因事宜升為禁軍者則所謂四十四處禁軍如咸平中升陝西選中保捷慶曆中升河北教閱本城為禁軍之類是已是為就糧自元昊叛而西北有保毅王倫叛而東南有宣毅於是列郡稍置禁軍嘉祐中詔東南帥司各置威果凡二十五指揮亦無過九大郡熙寧按天下廂軍之籍五十萬人而不足以戰於是教閱之法起其後以廂軍團併為額則今之兩浙崇節福建保節之類是也教閱之兵因別為額而隸之將下則今兩浙雄節福建廣節之類是也五年始排立就糧禁軍之下元豐兵令悉以雄節之類升同禁軍由是禁軍

始遍天下矣

九月河決澶州

命治

御講武殿閱兵

以馬軍為驍雄步軍為雄武並屬侍衛司初上命給諸軍婚錢俾取妻王繼勳主雄武軍不能戢下凡百餘人掠人妻女上聞大怒命捕戮之小黃門見而不奏亦杖數十
推蘄黃等州茶從淮南轉之請也蘄黃舒廬壽
冬十二月更定舅姑服制五州歲入百餘萬緡
初令婦為舅姑服三年

丙寅乾德四年

唐國吳越漳泉奉正朔南漢大寶九年北漢天會十一年

春三

月廢義倉○夏四月禁獻羨餘

詔曰出納之吝謂之有司

張全操所言諸場院有羨餘芻粟者請行賞典此非培克民租私減軍食何以致之宜寢其事仍嚴加止絕

五

月收蜀圖書

上遣使收蜀圖書法物所上法物見昶七

碎之。初上命宰相撰前世所無年號以改今元既平蜀得

蜀鑑有乾德四年字上召陶穀實儀問之儀曰昔偽蜀王衍

有此年號上嘆曰宰相須用讀書人由是益重儒臣。嘗謂

近臣曰今之武臣欲盡令讀書貴知為治之道近臣莫對。

上性嚴重寡言獨喜讀書雖在軍中手不釋卷顯德中從世

宗平淮甸或諧上曰趙某下壽州所載數車皆重寶也世宗

遣使驗之唯書數千卷無他物世宗召諭曰卿方為朕作將

帥何用書為上頓首曰臣無奇謀上贊聖德所以聚書欲廣

聞見增智慮也。六月定內侍養子法。父者聽養一子策制

科。於紫雲樓下上從容謂翰林學士承旨陶穀等曰則天

良由此也因論前代帝王得失日晡乃罷。河決觀城。

秋七月置俸戶

聽州縣官各置俸戶月輸錢五百

以安守忠為

漢州刺史

上自遣使必戒之曰安守忠在

八月河

決靈河

發夫卒數萬命韓重

以孔宜為曲阜縣主

簿

孔子四十四代孫也舉進士不

宴近臣

紫雲樓下上

謂趙普等曰愚下之民雖不分菽麥如藩侯不為撫養務行
苛虐朕斷不容之普對曰陛下愛民如此乃堯舜之用心也
○開寶中又嘗謂宰臣曰年穀登豐人物繁盛若非上天垂
祐何以及此所宜共思濟治振舉闕政庶幾開泰平之基也

閏月求遺書

九月寬緣坐法

時蜀成卒有亡

或請按誅其妻子上曰朕慮其間有被賊
驅脅非本心者乃盡釋之免者幾萬餘人

以党進領侍

衛步軍司

先是禁軍校自都虞候以上悉以所掌卒伍之數細書於所執之挺謂之杖記如笏記焉

進本出戎慮不識文字上一日問進兵籍幾何進不能對舉

皆豎目如光電冬十一月初用雅樂

日南至上御乾元殿受朝畢常

服御大明殿羣臣上壽初用雅樂登歌文德武功二舞先是

上以禮樂之器尚多淪廢命太常寺和峴講求修復皆如舊

制又以雅樂聲高命峴討論峴請以司天台景表石尺為準

二月竇儀卒

取王朴所定尺枝之短於石尺四分樂聲之高由此乃別造

新尺并黃鍾九十之管使工人枝其聲果下於朴所定十

管一律遂別造十二律管以取聲音始和暢至是用之

正呂餘慶為副又與陶穀趙逢高錫等共排之事遂寢卒終

於翰林學士上憫然曰天何奪我竇儀之速也○上嘗岸憤

跌足召儀儀不肯入亟索冠帶而後召入儀因進曰陛下創

業垂統宜以禮示天下上歛容謝之由是對近臣未嘗不冠

帶○穀文翰冠一時自以久次意希大用然為人

傾側狠媚事魏仁浦望塵而拜上素薄之遂不用

皇朝編年

備要卷第一





